



UNIVERSITÄTS-  
BIBLIOTHEK  
PADERBORN

# **Disquisitionvm Magicarvm Libri Sex**

**Delrío, Martín Antonio**

**Mogvntiae, 1624**

Sectio I.

---

[urn:nbn:de:hbz:466:1-62472](https://nbn-resolving.org/urn:nbn:de:hbz:466:1-62472)

poris, vt sanitas, liberatio à carcere, hostibus, ferro, igne, aqua & huiusmodi, quia sic se putat fore innoxium. 3. quando expectatur bonum animę naturalē, vt ars, vel scientia aliqua. 4. quando expectantur bona supernaturalia, vt sunt remissio peccatorum, per aliquas certas orationum formas, aut versiculos Psalmorum vel sacrę alterius scripturę, & alia huiusmodi, ab Ecclesia vel Deo ad hoc non ordinata.

#### QVÆSTIO IV.

*Vnde dignosci queat, quando sit huiusmodi vana obseruantia?*

#### SECTIO I.

**D**ico breuiter, primo. Si constet, quod effectus superet naturę vires, tunc attendere oportet, an per sacrę Scripturam, vel Ecclesię definitionem vel approbatã ab ea traditionem effectus iste Deo tribuatur, siue, quod idem est, an huiusmodi testimonio constet, effectũ hũc esse diuinum: si nihil huiusmodi reperitur, effectus tribuendus est pacto cum demone inito, & proinde censenda superstitio magica, vt minimũ, vanę obseruantię tales sunt effectus, remissio peccatorũ extra sacramẽta, quoad mortalia, extra sacramẽtalia, quoad culpas veniales. item diuination rerum futurarum contingentium, inflexio aut directio earum actionũ, quę ab arbitrii libertate mere dependent.

*Secundo*, si constat rem, cui tribuitur effectus, hęc vim à Deo vel à natura habere, non est vana obseruatia ex parte effectus, sed posset esse vana obseruatia ratione alicuius vitiosę circumstancie, v.g. cilicium, disciplina, ieiuniũ, quia corpus affligunt & macerant, prædita

**A** sint virtute ad coercendum concupiscentias carnales, ex viribus carnis, & corporis habitu nimis læto, pullulantes: sed si his addas circumstantias ridiculas, & ad hoc à natura, Deo vel Ecclesia nõ ordinatas, veluti certam horam, definitum numerum, quem nec excedere nec minuerē liceat, vel presentiam certarum personarum, vel vt fiat illa vel illa manu, flagro serico, & huiusmodi, erit vana obseruantia. Ex his regulis inferitur esse vanam obseruantiam.

#### SECTIO II.

**P**rimo, si ad productionem effectus requiritur fides in ipsum hominẽ qui sanaturus, v.g. credere quod is possit sanare.

*Secundo*, si effectus attribuitur magicis imaginibus, figuris, sigillis, characteribus, ipsis vera, vel rythmo, vel contactui, &c. *Et non Deo, quæ lib. I. discussimus*: & in his plerumq; est incantatio & pecc. M.

*Tertio*, si quis vitur certis orationibus, aut sententiis etiã sacris, aut operibus piis, in reb. vanis, & ad Dei cultum & honorẽ, directe nec indirecte pertinentibus. Voco indirecte, quãdo res nõ sunt vanę, quia sunt viles proximis, vt sanitatẽ illis vel nobis ipsis adferentes. Nam in huiusmodi reb. fieri posset aliquando, vt licet nos rationẽ siue initiũ nesciamus praxis alicuius; tamen vir sanctus aliquis id instituerit, & à Deo huiusmodi efficiẽtia gratiã obtinuerit. Quare in huiusmodi, si quis ea adhibeat ex mera deuotione, & curationẽ à Deo expectet solo; sane indirecte ad Dei honorẽ hoc referret auctorẽ omnis miraculose sanationis, & qui orationi ac fidei, ac ieiunio Christianorum, sanationes pollicitus fuit.

Fuit